



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. II. An, & qualiter ignorantia pœnæ excuset ab incursu pœnæ?

[urn:nbn:de:hbz:466:1-73031](#)

§. II.

An, & qualiter ignorantia pœna excusat ab incurso pœnae?

1108. **Q**uamvis verum sit, quod ignorantia legis excusat à pœna; ignorantia tamen pœnae non excusat directè, & formaliter à culpa, lege cognita. Nam ignorantia non aliter excusat à culpa, nisi quatenus auffert, vel minuit voluntarium; at ignoratis pœnis non propterea culpa, lege cognita, est minus voluntaria directè, & formaliter; ergo nec erit minus imputabilis directè & formaliter. Indirectè tamen, & quasi per accidens minuitur nonnihil culpa, ignoratis pœnis; cum culpa scientis legem; sed ignorantis pœnam non aded gravis sit, quam culpa scientis utrumque, & nihilominus controvenerint.

1209. Difficultas est, an, si scias actum lege prohiberi, ignores autem illa lege, facientibus nihilominus actum, constitutam esse pœnam, excusaris ab incurso pœnae? Haunoldus tom. I. de jure, & iust. tr. I. n. 103. censet distinguendum inter pœnam proportionatam delicto secundum se spectato, praescindendo à circumstantijs aggravantibus, ac exigentibus, ut in tali Republica specialius, & gravius, quam alibi puniantur; & inter pœnam, que imponitur delicto cum illis circumstantiis considerato. In primo casu censet, Reum delicti non excusari à pœna, quantumvis ignorata; secùs in secundo, quia in hoc pœna respondet delicto non utcunque sumpto, sed ut graviori, quod delinquens ponitur ignorasse. Sanchez l. 9. matr. D. 32. n. 1. hanc questionem vocat difficultissimam, quod confusè satis discutiatur à Doctoribus non distinguenteribus inter pœnas, ignorantias juris, facti, pœnae, &c. his præmissis:

1210. Resp. I. excusari à pœna, qui committit actum aliquem sciens, illum alio jure prohibitum (v. g. naturali, vel divino) ignorans tamen jus novum, quod ei statuit pœnam, priori jure non statutam. Hanc responsem in materia censurem, tanquam probabiliorem tenet Sanchez cit. n. 9. Sed rationes ejus universaliter videntur probare etiam de alijs pœnis legalibus ipso facto incurrēdis. Nati-

inter alias rationes ejus est, I. quod quantitas pœnae commensuranda sit quantitati delicti, juxta c. Felicis, de pœnis in 6. ibi: *Judex pœnam metiat ex culpa;* & c. 2. de his, quæ sunt à major. part. Capit. ibi: *nec pœna sit ulterius protrahenda, quam delictum fuerit;* cuius tamen contrarium fieret, si pœna eadem responderet transgredienti scienter solum *jus antiquum non pœnale,* sed ignoranter novum pœnale, quæ responderet scienter violanti utrumque; at hoc etiam locum habet in alijs pœnis alio jure statutis; ergo.

Confirmat hoc ex c. Proposuiti, dist. 1211.

82. ubi Innocentius I. Exuperio Episcopo Tolet. rescribens decidit, Clericos incontinentes non deponendos esse juxta Constitutionem Siricij Papæ; causamque reddit, quia illam ignorabant, ibi: *his ignorantibus venia non negabitur,* ubi glossa V. negabitur, rationem subdit: *quia decretem non ligat ignorantes;* ubi vides, eos Clericos fuisse excusatos à pœna depositionis pœnaliter statuta per Siricum in Clericos incontinentes, quia novum illud jus pœnale ignorabant, licet sciverint incontinentiam juri divino, & naturali esse contrariam; at hæc ratio locum habet etiam in alijs pœnis; ergo.

3. Jus indicens novam pœnam rei, antea prohibitæ, est prorsus novum quoad eam pœnam; ergo de illo, sicut de alio novo jure discurrendum erit; sed invincibiliter ignorantes transgressionem suam (quam sciunt oppositam alteri antiquo juri divino v. g.) esse contrariam novo juri, excusantur à culpa contra illud, ergo etiam à pœna novi juris.

Dices I. per hæc solum probari, quod ignorantia culpa contra novum jus excusat ab ejus pœna. Unde Sanchez cit. l. 9. D. 32. n. 6. constat, inquit, apud omnes, quamvis lex sufficienter promulgata sit, si actum, nullo alio jure interdictum, puniat, ignorantes invincibiliter dispositionem illius legis, à culpa, & illius pœnis eximi; licet concedat idem etiam in casu, quo aetui, novo jure prohibito, ab eodem statuitur pœna, si hoc novum jus ignoretur, licet sciatur prohibitus alio jure antiquiori, ut expressè habet n. 9.

Sed cum ipsa impositio pœnae, quæ sit nova lege, sit etiam *novum jus,* si ignorantia novi juris excusat à culpa, & illius pœna,

na, eo ipso non liberatur ignorans à poena solo titulo ignoratæ culpæ, seu legis, *in quantum præcipientis, vel prohibentis præcisè*, sed etiam *in quantum punientis*, seu in quantum poenalis; nam etiam *in quantum puniens*, seu imponens pœnam, est *novum jus*; cùm etiam actus puniendi sit actus juris, seu legis propriæ dictæ, ut constat ex dictis: at sic ad incursum pœnæ, requiritur cognitio pœnæ (quæ tamen non habetur ignoratâ pœnâ) cùm aliâs haberet non possit cognitio *novi juris*, in quantum punientis; ergo

1215. Et ideo circa ignorantiam pœnæ quidam sic discurrendum censem. Cùm delinquentis obligatio ad pœnam sit *naturalis*, hoc est, *non consurgens ex delinquentis consensu* in ipsam pœnam, & scientiâ, sed ex autoritate legis, & voluntaria positione delicti, bene sequitur, scientiam pœnæ non prærequiri eo titulo, ut incurritur, vel possit ipsa incurri: Secùs tamen est, ut detur, & possit dari *consensus in causam pœne* non solum materialiter, sed etiam formaliter, *ut causa est*; ac proinde, cùm scientia pœnæ ad plenam juris scientiam acquirendam spectet, de ignorantia pœnæ idem dicendum est, quod de ignorantia juris dictum est; ita Navarrus *in Summa apud P. Sanchez l. 9. matr. D. 32. n. 20.*

1216. Ex hoc colliges juxta Navarrû cit. non incurri pœnam legalem (loquendô non tantum de censuris, sed etiam quavis alia) sine notitia etiam ipsius pœnæ, non ut delinquens consentiat in pœnam, sed in causam pœnæ, nimis in transgressionem prout illativam pœnæ; quod utique fieri non potest sine notitia pœnæ, seu legis in quantum punitivæ. Nam esto jus, quod imponit *obligationem ad culpam*, quin statuat actui in contrarium gesto pœnam, scienter violetur, si tamen ignoretur aliud jus eidem actui statuens etiam pœnam, hæc non incurritur, ut tenet etiam Sanchez, relatus *n. 1213.* ergo idem dicendum erit, licet utrumque præstet idem jus, & scienter violetur, *in quantum prohibitorum*, si ignoretur, *in quantum punitivum*. Nam ut tale, relatè ad prohibitorum quâ tale, explicat *novum jus*, cuius transgressio quâ talis non stat sine cognitione pœnæ per ipsum statutæ. Et ideo sententiam Navarri amplectuntur Philarch. Manuel, Hostiensis, & complures a-

lij apud Sanchez *cit. n. 20.* qui *num. seq.* candem concedit esse probabilem.

Sed quia suprà *n. 1209.* notavimus ex *1217.* Haunoldo, etiam ab ipso concedi, non incurri pœnam legis non præcognitam, quando ea imponitur delicto non nudè sumpto; sed solum quando aucta est ultra delicti nude considerati naturam; secùs, quando est proportionata delicto nudè, ac secundum se sumpto; id, quod etiam docet Sanchez *cit. num. 20. sub finem*, rationem dans: quia pœna delicto secundum se considerato imposita, *aut scita est, aut sciri debuit*; quando autem aucta est propter alias circumstantias, justè ignoratur: quæstio est, an saltem tunc, ubi pœna respondet soli delicto nudè considerato fine alijs circumstantijs v. g. majoris gravitis, reiterationis, &c. pœna ignorata incurritur?

Mihi semper visa est probabilior negativa cum Navarro, & alijs suprà cit. 1. quia etiam talis pœna potest quandoque justè ignorari, licet, cùm ordinaria sit, præsumatur scita, & ut talis habeatur in foro externo; ergo cùm pœna justè ignorata excusat ab incurso talis pœnæ, quantumvis ordinaria sit, & proportionata delicto, non incurritur ignorata. 2. pœna, secundum quod correspondet delicto, *ut aucto ex aliqua circumstantia*, secundum cum excessum non incurritur, si sit ignorata quoad jus novum disponens pœnam tali augmento delicti, ut fatetur Haunoldus, & alij; ergo etiam secundum quod correspondet delicto nudè sumpto, si ignoretur statuta delicto nudè sumpto; pat. conseq. à fortiori; si enim ignorantia, quod jus ob aliquam circumstantiam augeat, vel statuat pœnam maiorem, quâm mereatur delictum secundum se, excusat à pœna, secundum quod commensuratur delicto, *ut subest illi circumstantiae*, seu ut aucto; à fortiori excusat ignorantia, quod jus ob substantiam talis delicti, imponat, & statuat talem pœnam, quâ cæteroquin dignum est delictum secundum se consideratum; nam & delictum, *ut subest tali circumstantiæ*, dignum est cā pœnâ auctâ.

Nec juvat, quod communiter assertur, *1218.* censuras habere hoc speciale, non communis alijs pœnis, nempe quod illæ non infligantur, nisi contumacibus; quæ circumstantia requirit notitiam pœnæ. 1. quia

contingit.

contumacia, contra repetitas monitiones de obligatione legis ad culpam, stare potest sine cognitione pœna tali contumacia ipso facto annexa; & tamen censura non incurritur sine cognitione pœna, quia scilicet ex natura legis pœnalis cursus pœnæ, jure statutæ, requirit violationem juris non ut cuncte prohibentis, sed pœnaliter; ut diximus n. 1210. sed hoc est commune omni pœnæ legali.

1220. Deinde gratis dicitur, quod censuræ titulò *contumacia* (specialiter exigant præviā cognitionem talis pœnae). Nam id nullo jure probatur. Primo enim *ratio contumaciae salvatur*, si quis etiam post intimationem de sua obligatione in contrarium operatur; sic, qui sciens se errare in materia fidei, nihilominus in errore suo perseverat, *cum pertinacia* dicitur *tueri errorem*; ergo ratio contumaciae stat sine cognitione pœnae.

1221. Denique *contumacia* idem valet, atque inobedientia voluntaria, qua quis monitionem Judicis implere contemnit, ut notat Percyra in *Elucidar. n. 1727. ex c. 2. de dolo & contumacia*. Unde propriè accipitur in ordine ad Superiorum, quā *Judex est*; & consistit in *non faciendo voluntariè, quod quis scit se facere debere*; sic ille; sed hoc non requirit ex natura rei scientiam pœnae, ut liquet ex data contumaciae definitione; ergo censuræ non prærequirunt cognitionem pœnae, ex hoc, quod supponant *contumaciam*; ergo si eam prærequirunt, id contingit *ex natura legis pœnalis*; at sic non habent hoc specialiter præ alijs pœnalibus legibus; ergo.

§. III.

Resolvuntur argumenta contraria.

1222. **A**ntequam proponam objectiones, notandum 1. tanquam probabilius à nobis sustineri, quod non incurrat pœnam novo jure statutam, qui hoc *novum jus ignorat*, in quantum est prohibitiū, licet sciat actum alio jure prohibitum, ut diximus n. 1210. Not. 2. quamvis ignorantia pœnae non minuat culpā, in quantum est contra legem prohibentem cognitam; quia non minuit voluntarium in actu, in quantum opponitur legi quā pro-

hibenti actum, ut diximus à n. 1208. per accidens tamen ex ignorantia pœnæ minori culpam, quatenus hæc foret major, si actus factus esset non tantum cum scientia prohibitionis, sed etiam punitionis, quā si factus esset cum sola notitia prohibitionis.

Not. 3. à nobis sustineri ut omnino probabile, nullam incurri pœnam, à lege decretam ipso facto in transgressores, nisi actus fiat non tantum cum scientia prohibitionis, sed etiam ipsius pœnae. 1. quia cognitione pœnae pertinet ad notitiam juris imponentis pœnam, ut exposuimus à n. 1214. 2. quia alijs delicta inæqualia puniuntur æquali pœna, de quo V. n. 1210. 3. quia cursus pœnæ, peccato solùm accessoriæ extrinsecus, requirit consensum *in causam pœnae*, quā talem, ut docet ipse Sanchez (alijs nobis contrarius) qui loc. cit. n. 14. sic loquitur: *cum pœna in se ipsa nobis involuntaria sit* (ut diximus n. 1215.) *in causa* debet esse voluntaria, quo enim incurritur, debet amari delictum, ut est causa pœnae, saltem in excommunicatione; unde oportet illius notitiam præmitti; sed hoc non stat cum ignorantia pœnae; ergo.

Not. 4. quosdam universaliter tenere, nec ad censuras ipso facto incurendas prærequiri notitiam pœnae, sed sufficere notitiam de prohibitione actus; alios, in censuris requiri non tantum notitiam culpæ, si fiat contra legem, sed etiam pœnae; *in aliis autem penis*, quæ proportionatae sunt delicto secundum se, sufficere notitiam culpæ, etiam cum ignorantia pœnae, ut diximus n. 1209. Proponemus igitur utriusque partis argumenta contra nostrum assertum in n. 1223. Igitur:

Dices 1. ad incurriendam pœnam ipso facto statutam à lege, non requiritur consensus delinquentis in pœnam; ergo ignorantia pœnae, modò sciat actum sub culpa veritum, incurrit pœnam. Ant. prob. primo, quia obligatio ad pœnam est naturalis, & non nascitur ex nostro consensu, sed ex authoritate legis eam imponentis, & libero consensu in delictum. Nam omnes (intellige obligationes ex delicto) ex re nascuntur, id est, ex ipso maleficio, ut dicitur in *Instit. de obligat. que ex delicto*, & L. Imperatores, ff. de jure Fisci, ibi: *tu te huic pœna subdidisti*. Patet etiam conseq-

Tom. I.

M m

nam